

PARADA DI NOORD MES GRANDI CU SAN NICOLAS

ORANJESTAD(AAN):

Cu dos grupo cu a drenta den parada y cu no tabata riba e lista di inscripcionnan di prome cu parada, e parada di carnaval di Noord a bira mes grandi cu parada di carnaval di mucha na San Nicolas di e aña aki.

Segun inscripcion un total di 870 mucha lo a participa, pero a drenta ayera e grupo di "Salserin con mucho swing" cu 30 participante y 8 bailador di Quasi cu a subi e total pa 908, 3 mas cu na San Nicolas, di manera cu por bisa cu e paradanan tabata mes grandi.

Esaki a trece e cantidad di gruponan di 13 pa 15, sigui na final pa Basic one como **Last Lap Band**.

E peticion di e organizadornan na e participantenan a wordo cumpli al pie de la letra.

Salida tabata na ora, preparacion riba caminda di Bubali corecto segun mapa di "opstelling".

E parada a bay ordena, bunita, sin problema, respet a wordo manteni, disciplina, y ambiente a wordo crea.

E unico peticion cu no a

cumpli 100 por ciento cune tabata di Pickupnan preferiblemente dorna.

Earplugs a wordo parti pa e muchanan y den 4 ora y mey total di parada e Carnaval di Noord a luci un biaha mas.

Publico por a goza di Carmen Frans cu su grupo "Ban Picnic cu Teddy Beer" di Chikitin Bin Bin di cual por lesa mas den POPO.

Jacintha Kleuterschool tabata masha original cu "Abejanan di Dakota" dirigi pa Anchi Maduro.

Gerardo Figaroa a presenta cu Fransiscus College cu "Cuida nos lama" di cual tambe POPO a comenta awe, tur dos panan simpleza y fantasia, mescos cu AJMG cu "Caranan contento cu nos Papiamento", cu leader Jeanette de Palm.

Agnes Ruiz y Evelina lacle cu Ban Goza a brilla den parada Diasabra y ayera na Playa, mescos cu na San Nicolas y tin posibilidad di logranan di 4 premio di Grupo di Aña den 5 aña.

Aura Oduber tambe a presenta bunita cu su "Gipsy Fantasy", sigui pa Mary de



Cuba cu su grupo di "Calabas na indian".

Por a mira Titi Tromp cu su 69 aña di edad, den su di 30 parada di e 32nan cu a keda organiza diasabra. Dos parada cu Titi no a participa aden pa motibo di a ricibibishita di "ooievaar" e tempo ey. Titi a bini cu su grupo "Nos Fantasia".

Hilaridad e Compa Ju-

wana bon badcha den carnaval a haci cu grupo di Benny Wolff.

Jolly tabata e Jolly Clowns di Magdalena Croes y no por keda sin menciona e impacto di Noord Stars Steelband den e parada aki.

Na final, Buchi Leeuw Figaroa a percursa atrobe pa hilaridad cu homenaje na

Milo Croes, cu Milo riba pantalla di ATV, Milo den cuadro, Milo den su stoel di sosiego, y caha di orgel di Milo cu nomber di Millones SAC-ASOMA, algu cu hasta Milo a goza di dje. un parada cu 15 grupo, 908 participante, 150 lider, 7 banda musical, 6 disco cu 23 roadpiece y 3 carosa. "Noord a luci atrobe!"